



Gwybodaeth am ein gwasanaeth

Mae **Gwasanaeth Sbectrwm Awtistig Caerffili (CASS)** yn rhan o Ysgol a Chanolfan Adnoddau Cae'r Drindod.

Mae'r tîm wedi'i ddatblygu i helpu plant a phobl ifanc sydd â diagnosis o Anhwylderau'r Sbectrwm Awtistiaeth (ASD).

Mae'r gwasanaeth yn darparu cymorth a chynghor i rieni, teuluoedd a staff ysgol sy'n gweithio gyda phlant a phobl ifanc (**CYP**) hyd at 18 oed sydd wedi cael diagnosis o Awtistiaeth.

Mae cymorth yn cael ei gyfeirio at:

- ❖ Rhieni a/neu ofalwyr
- ❖ Plant a phobl ifanc sydd wedi cael diagnosis o Awtistiaeth
- ❖ Aelodau o'r teulu
- ❖ Cydlynwyr Anghenion Dysgu Ychwanegol
- ❖ Athrawon
- ❖ Staff Cymorth Dysgu a gweithwyr proffesiynol eraill sy'n gweithio gyda CYP

Gall staff yr ysgol neu weithwyr proffesiynol cynorthwylol ym maes iechyd neu wasanaethau cymdeithasol wneud atgyfeiriadau.

Atgyfeiriadau

Mae atgyfeiriadau yn cael eu gwneud drwy lenwi ffurflen atgyfeirio CASS a'i hanfon yn uniongyrchol at CASS yn cass@sch.caerphilly.gov.uk

Os oes angen rhagor o wybodaeth arnoch chi, cysylltwch â thîm Ysgol a Chanolfan Adnoddau Cae'r Drindod ar naill ai cass@sch.caerphilly.gov.uk neu **01443 866000**

Amrywiaeth o gymorth CASS

Gall pobl ifanc 2-18 oed a'u teuluoedd gael eu **hatgyfeirio** at CASS gan weithiwr proffesiynol cynorthwylol ar gyfer y gwasanaethau cymorth canlynol.

Cymorth yn yr ysgol

Mae cymorth yn yr ysgol ar gael gan CASS i rymuso ysgolion i ddiwallu anghenion dysgwyr Awtistig. Gall y cymorth hwn gynnwys modelu arfer da, cynghor, paratoi neu fenthyca adnoddau a hyfforddiant staff.

**** Nid yw CASS yn ymwneud â dyrannu oriau cymorth ychwanegol neu leoliadau ysgol ****

Cymorth yn y cartref

Lle bynnag y bo modd, rydyn ni'n argymhell bod teuluoedd yn cymryd rhan mewn un o'r rhaglenni hyfforddi sydd ar gael yn y lle cyntaf. Wedyn, mae teuluoedd yn gallu cael eu hatgyfeirio at y gwasanaeth am gyfnod byr, wedi'i dargedu o gymorth ar ôl hyfforddiant os oes angen o hyd. Gall cymorth gynnwys cynghor, strategaethau cyfeirio, rhannu adnoddau atgyfeirio i wasanaethau priodol eraill.

Mae ffurflenni atgyfeirio ar gael drwy anfon e-bost at fewnflwch CASS yn cass@sch.caerphilly.gov.uk



Sganiwch y cod QR i gwblhau ffurflen mynegi diddordeb.



Rhaglenni Hyfforddi



Mae teuluoedd pobl ifanc yn gallu cael eu hatgyfeirio at CASS ar gyfer y rhaglenni hyfforddi canlynol.

Rhaglen 'Early Bird' Cymdeithas Genedlaethol Awtistiaeth (NAS) – 10 wythnos o hyfforddiant wyneb yn wyneb ar gyfer rhieni/gofalwyr sydd â phlentyn sydd wedi cael diagnosis o ASD rhwng 0 a 4 oed.

Rhaglen 'Early Bird Plus' NAS – 10 wythnos o hyfforddiant a chymorth ar gyfer rhieni/gofalwyr sydd â phlentyn sydd wedi cael diagnosis o ASD rhwng 4 a 9 oed. Os yw'r plentyn yn yr ysgol, gall aelod o staff yr ysgol hefyd fynychu'r hyfforddiant gyda rhieni.

Rhaglen 'Teen Life' NAS – Mae Teen Life yn rhaglen 6 sesiwn NAS ar gyfer rhieni/gofalwyr pobl ifanc 10-17 oed. Nod rhaglen Teen Life yw dod â rhieni at ei gilydd i rannu gwybodaeth, profiadau a syniadau mewn ffordd strwythuredig.

'Cygnnet' Barnardo's – Rhaglen cymorth Awtistiaeth 6 wythnos ar gyfer teuluoedd/gofalwyr plant sydd â diagnosis o Awtistiaeth. Nod y rhaglen hon yw cynyddu dealltwriaeth rhieni drwy strategaethau ymarferol maen nhw'n gallu eu defnyddio gyda'u plentyn.

'Understanding Me' – Ymyrraeth grŵp ar gyfer pobl ifanc sydd ag Awtistiaeth gyda'r nod o archwilio beth mae awtistiaeth yn ei olygu iddyn nhw. Fel arfer, mae'n addas ar gyfer plant 11 oed a hŷn ac yn cael ei redeg mewn lleoliad cynhwysfawr.

Gall Cydlynwyr Anghenion Dysgu Ychwanegol atgyfeirio grwpiau o bobl ifanc sydd wedi cael diagnosis i CASS ar gyfer Understanding Me yn unig. Cysylltwch â CASS am ragor o wybodaeth neu am ffurflen atgyfeirio.

Awtistiaeth Cymru



Mae tîm CASS yn argymhell bod pob ysgol/lleoliad gwasanaeth yn cwblhau'r cynllun Tystysgrif Ymwybyddiaeth Awtistiaeth. Mae adnoddau a gwybodaeth am bob grŵp oedran ar gael ar y wefan. Gall ysgolion a theuluoedd hefyd gael mynediad at yr wefan hon i gael gwybodaeth, adnoddau, fideos hyfforddi a mwyl.

<https://autismwales.org/cy/>

Hyfforddiant i Ysgolion a Gweithwyr Proffesiynol Eraill

Ar hyn o bryd, mae CASS yn cynnig pecynnau hyfforddi fel rhan o hyfforddiant ysgol gyfan/lleoliad neu ar gyfer grwpiau llai o weithwyr proffesiynol.

Mae rhai o'r pecynnau hyfforddi yn cynnwys:

- ❖ Cyflwyniad i Awtistiaeth
- ❖ Strategaethau a dulliau dosbarth cyffredinol
- ❖ Awtistiaeth a masgio, cyflwyniad mewnol
- ❖ Awtistiaeth a merched
- ❖ Deall a chynorthwyo gydag ymddygiadau sy'n peri pryder
- ❖ Deall a chwrdd ag anghenion synhwyraidd

Yn ogystal â'r hyfforddiant uchod, gallwn ni hefyd ddyfeisio hyfforddiant pwrpasol i ddiwallu anghenion eich lleoliad unigol neu dîm o staff.

Am ragor o wybodaeth, cysylltwch â CASS.

Atgyfeirio CASS – Gyda phwy rydyn ni'n gweithio?

Preswyllo

I gael cymorth CASS, rhaid i deulu'r person ifanc fod yn **breswlydd ym Mwrdeistref Sirol Caerffili**. Bydd CASS yn darparu cymorth yn yr ysgol i berson ifanc sy'n cael ei addysgu yn un o ysgolion y Bwrdeistref Sirol ond sy'n byw y tu allan i'r Awdurdod.

Diagnosis

Rhaid rhoi gwybod i'r Cyngor am ddiagnosis pob plentyn/person ifanc o **Anhwyllderau'r Sbectrwm Awtistiaeth** er mwyn iddyn nhw gael mynediad at y gwasanaeth.

Oherwydd y galw eithriadol o uchel am gymorth ac oherwydd y capasiti o fewn y tîm, gall CASS ddarparu gwasanaethau dim ond i ysgolion a theuluoedd plant a phobl ifanc sydd â diagnosis o Awtistiaeth wedi'i gadarnhau.

Ymyrraeth CASS

Mae plant a phobl ifanc yn gallu cael eu hatgyfeirio at CASS am y rhesymau canlynol:

- ❖ Cyngor o fewn y lleoliad addysg
- ❖ Deall ymddygiadau sy'n peri pryder
- ❖ Cyrsiau hyfforddi
- ❖ Cyngor a chymorth pontio.
- ❖ Datblygu arferion priodol
- ❖ Rhoi adnoddau a strategaethau addas ar waith
- ❖ Cyfeirio a chynghor cyffredinol.



Padlet CASS: Gwasanaethau sydd ar gael i deuluoedd

Mae gan Padlet CASS wybodaeth fel gwefannau defnyddiol, grwpiau lleol, gwasanaethau a gweithgareddau sydd ar gael i deuluoedd.

[**Gwasanaeth Sbectrwm Awtistig Caerffili \(padlet.com\)**](https://www.padlet.com/)

Sut y byddwn ni'n defnyddio eich gwybodaeth

Bydd **Gwasanaeth Sbectrwm Awtistiaeth Caerffili (CASS)** yn prosesu atgyfeiriadau am gymorth/gyngor naill ai drwy hyfforddiant, cymorth yn y cartref, cymorth yn yr ysgol neu gymorth cyfathrebu.

Byddwn ni'n coladu'r wybodaeth sy'n berthnasol i'ch cais chi fel tystiolaeth o'ch hunaniaeth a'ch manylion cyswllt at ddibenion darparu ymatebion a gohebiaeth i chi. Bydd cyfranogiad gan CASS yn cynnwys coladu/rhannu gwybodaeth gyda meysydd gwasanaeth eraill o fewn Cyngor Bwrdeistref Sirol Caerffili a sefydliadau eraill megis ysgolion/sefydliadau addysgol perthnasol, byrddau iechyd, Gyrfa Cymru, Llywodraeth Cymru, Tribiwnlys Anghenion Addysgol Arbennig Cymru, SNAP Cymru ac awdurdodau lleol eraill. Bydd eich gwybodaeth yn cael ei chadw am 31 mlynedd o ddyddiad geni eich plentyn.

Mae gennych chi nifer o hawliau mewn perthynas â'ch gwybodaeth, gan gynnwys yr hawl i gael gafael ar wybodaeth sydd gennym ni amdanoch chi a'r hawl i gwyno os ydych chi'n anhapus â'r ffordd rydyn ni wedi ymdrin â'ch cais neu eich gwybodaeth chi.

I gael rhagor o wybodaeth am sut rydyn ni'n prosesu'ch gwybodaeth ac am eich hawliau chi, cliciwch ar y ddolen ganlynol:

[**https://trinityfieldsschoolandresourcecentre.co.uk/media/d3zgrw4j/privacy-notice-cass-2022-final.pdf**](https://trinityfieldsschoolandresourcecentre.co.uk/media/d3zgrw4j/privacy-notice-cass-2022-final.pdf)